

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY

02

112 JAN 1952

T 5350/3934

全集目錄

卷之一

書

狀

咨目

劄子

求教書

上鄭龍圖求船書

上王提刑書

上李丞相書

請陞趙城縣為軍書

與招撫張所書

與總管趙野約入援書

忠武堂上集 卷之一 一

與宣撫范訥約入援書

與知興仁府魯懋約入援書

乞大元帥南京開府狀

乞大元帥府勸進第二狀

乞大元帥討張邦昌狀

上信王咨目

上大元帥府劄子

乞過河措置事宜劄子

條畫四事劄子

終

宋宗忠簡公全集卷之一

二十一世孫



書


求教書

某未冠時持先人遺書一車他無所攜悲吟梗槩懍然去國求師承於四方閱十餘年矣崇筵絳帳所歷數十取道一無所得莫悟其繇因悵然以歸一日拏舟越重湖將泛巨浪以放心志之鬱紆也並堤而行延綠葦間皆漁聚落得漁老而邀過其處蔽漏蕭然

掃地以坐因詢之曰瀕湖而漁何憊之甚豈術之謬乎曰不然余所學任公子釣也任公子之釣為大鈞巨緇五十犗以為餌期年而得魚可以厭澗河蒼梧之民也若夫有是具而得是魚則利固可以終身豈不泰乎今有若魚矣而乏其具是以病焉某始聞而驚曰求師而取道亦猶是也學未備而欲聞至教固亦難矣盍益之名都大邑通儒之聚凡古人所著之書與今日之學者耳目所未及一皆貫穿熟讀要其無所不知無所不有一展底蘊以求至教則取於道

其亦庶乎既歸且治之有智叟過門而歌曰辰乎辰乎盍來之遲而去之迅乎已乎已乎筋力憊而死期至乎某再聞之而疑曰諒矣漁人之弗慧也吾又祖其困而取斃耶大魚不易得至教不易求吾其與求魚並志可弔之使改圖乎因訪前日之處首至其鄰焉因告以學漁之難繼訊之曰子之漁何求之易而利之多耶鄰漁曰予所學詹何氏之釣也不若是之費也詹何氏之釣以獨繭絲為綸芒針為鈞荆篠為竿剖粒為餌於百仞之淵汨流之中引盈車之魚綸

不絕鈎不伸竿不撓為術無他獨臨河而用心專故能以輕致重也某終乃拊髀而增嘆且至是乎必求大具以要大魚者皆見笑於詹何氏者也亟走以歸屏前日之俗勞一其慮養其氣盡精白而無巧偽所幾亦有取道之質矣今則行之彌年果獲造先生之門焉恭惟先生道學淵微智識高妙登天庭而拾科第揚仕路而展材略皆其緒餘耳然則所至則士皆歸嚮所言則世必傳載凡游門下者其於求教而取道無不厭其所欲某前時過江來鄉曲知識皆寄聲相賀曰知子用鄰魚術攜荆篠針鈎往遊龍伯宮矣盍勉之干冒師嚴



上鄭龍圖求船書

嘗觀昔有逸客為江湖隱者意欲浮家泛宅便可一
 生而吳興太守敕舟往助之昔有墨客為山水遊者
 會以暴漲輒數日不粒而來陽縣令具舟往迎之夫
 為江湖隱是殆徜徉彷徨於塵埃之外為山水遊是
 殆茹高澗清於耳目之表非有不得已之事羈酸焦
 悴之色彼太守縣令者何為乃旦旦然待之覲覲然
 驚之賓賓然恤之借使有水氏之子俯仰空谷鷄衣
 之士蕭寂窮途寄五斗米而淵明之歸去來有不可

賦無二頃田而衛人之胡不歸有不可得全家有指
如飄蓬斷梗一在天之涯一在地之角其當時太守
縣令脫或見此豈不伐南山之木而濟之哉某諱窮
久矣家徒四壁立矣平生不喜為吏寒窘犯人挈挈
然迫之使出官遊東方聚室待餉獨祖母老矣重棄
故鄉而客遠官遂留不行乃者家君得幕金陵去鄉
邦跬步白髮之老亦既願往低回商略勢不可久於
此昔携家中半而遊東方今又携家之半而歸江南
矣然自密取道得車則至胸山帆則至江左躊躇四

顧疾聲而問曰誰哀王孫乎誰借以一蓑而使涉大
川乎恭惟閣下英風健譽傳在衆口德宇廣闊人有
芘賴某也名不譽於賓客之席肩不摩於夫子之墻
乃欲囊攜長書筆話羈態如轍中鮒大呼乞憐豈獨
他人笑之某亦自笑之矣且謂孤窮無挾之語惟某
可言廓落推挽之心惟閣下可望矧龍圖近班非若
吳興來陽之卑且賤而某今日懇款亦豈為江湖隱
為山水遊特得已而不已者哉倘蒙垂德肯聽則飛
帆鼓楫泝大江而下其朝浮暮泛者皆恩波也

上王提刑書

天寒日暮雪霜併至蕭條冀北之野犬爭食而鳥啄
 瘡者乃其所也孫陽過焉昂頭掉尾強起而一鳴人
 孰不笑之噫是馬也瀕困等死耳亦知激其感遇夫
 何傷乎孫陽忽察馬見其所不見而不見其所見秣
 芻以飼之封藥以裹之異棧而羣毛辟易受羈而道
 路改觀春風入蹄頓掣千里自古詩人畫史與會稗
 小說一皆異口而贊美茲事是以孫陽為善相馬而
 精蒐比於列星信不誣也某深感於此故復撫其事

而進焉重念某一登仕路備驅策者二十餘年蓋亦
涉長途縈險道未嘗敢一跌以負主人之責者况竊
啣轡為哉今則既仕而老將至矣以日計之方將美
影於無入之道而猶坐曹以竊祿也嗟夫士不遇知
已老死填溝壑者往往尚有顧某何足數而欲覬閣
下之知我而憐我雖然冀北之鳴聊為孫陽而一發
恭惟閣下英姿偉望簡在朝右固宜羽儀帝側而鳴
玉禁途廼者暫輟華班出司邦憲擁麾澄按經歷列
城正孫陽過門時矣倘僕僕道旁袖書自列不知者
皆胡盧而笑知我者猶謂其激於感遇也不戢可賜
調御一經九折之坂否剖心誓天言不悉意



上李丞相綱書

某衰老無所能解但聞敵國驕蹇尚有橫肆之意欲言之慮涉自媒欲不言之又恐緩不及事且或誤國然自媒之罪小萬一於國有誤則罪死無濟比蒙恩差某知青州兼京東路制置使仰荷朝廷眷注所以為一身計則甚安便矣方今二聖蒙塵天子駐蹕在外京城嗷嗷顛望翠華回輦四海生靈猶有未復業安堵如我祖宗時者顧一身偷自安便如憂思過當不能自為一身安便何恭惟僕射相公以道應世不

忠正堂世系 卷之一
忘天下休休有容恢恢無間欲再造王室欲中興大
宋基業想勞心經濟上副仰成凡所設施必以天下
在起居飲食間也前過京師有河東數百姓來日訴
乞收復河東州縣有數太學生并太學正王擇仁來
相見言收河東事於今月二十九日有王擇仁附書
并諮目來與某顧某雖不以一身自營為計而無路
可為相公有志天下願輔佐天子纘承焦勞再造中
興我祖宗奕世聖人一統寶緒毋蹈東晉既覆之轍
毋安積薪未燃之火某不勝痛憤激切之至所有王
擇仁劄子謹此繳納

請陞趙城縣為軍書畧

慶源乃國家興王之本趙城又慶源之本也趙城前
有并河汾陽之固後當晉絳蒙坑之險左依霍邑右
阻太行沃野百里可以種植實河東用武之地願請
陞縣為軍如楚之漣水開德之德清命以軍額實治
縣事且大養軍士以備不虞伏望詳察

忠貞堂世系 卷之一
與河北西路招撫張所書


某惶恐再拜上覆河北西路招撫太傅春和恭惟鈞
候動止萬福竊惟即日金兵大驅入寇懷衛等處聲
息甚緊伏望招撫速持兵扼其去路吾以重兵截其
後敵人知我軍有備自不敢進待彼勢疲乘虛擊之
無不克矣強弱在此一舉機會莫失不勝激切俟望

之至

與北道總管趙野約入援京城書

某惶恐再拜上覆北道總管資政閣下春和恭惟鈞
候動止萬福竊惟京城圍閉日久君父注望四方勤
王之師入援想不啻饑渴資政為北道大總管乃將
大兵自衛迂回曲折走南京駐劄蔽遮江淮之人俾
不能進前固護王室則朝廷何賴於屏翰伏望早賜
指揮進發去京二三程劄寨示狂類以天下人心歸
嚮軍民怨切願瞻天表之意庶幾北人畏恐下城引
去以示忠節無為身謀不勝拳拳憤悱激切之至

去以示忠... 醫軍刃... 天未之... 人畏...



與河北河東宣撫范訥約入援京城書


某惶恐再拜上覆河北河東宣撫太傅春和恭惟鈞
候動止萬福太傅是朝廷重望大臣凡所舉措為天
下重輕為四方軌則今以河北河東宣撫之名乃擁
兵自衛迂回退縮劄駐南京是耶非耶不知太傅晝
思夜度謂臣子大義果如此耶若以周旋無非合於
義理伏乞指揮開放道路濟以糧斛令江淮以南州
軍皆得自進勤王去京城二三程劄寨示仇方以天
下歸向激切之意庶敵懲戒無有後艱毋為全身之

計不勝幸甚之意無烟瘴歎無自必職

軍督自勤德王去京如二三野將乘未

弄致內子計時開外直欲當以對捕今

思身更附百子大弄果成故陣法以風



與知興仁府曾懋約入京城書

某頓首再拜上覆知府待制春濃恭惟台候動止萬
福近汪元帥錄示藥方云是左右所撰某竊疑之且
有人至親偶感是疾其為子者豈可安然坐視漫不
省察使邪毒之氣漫淫侵蝕耶亦豈可輕聽人言遂
一切屏去表發洗滌之劑以助養真元使三百六十
骨節之間更無外邪之證俾其親享無窮之壽而其
子自保仁且孝之名乎今北人猖獗侵犯畿甸待制
使之為醫者誰歟醫之用藥能表發其外洗滌其內

者誰歟既未有為醫與藥者乃揮諸兄弟令望望然去之曰是時氣也姑當任之不可召醫不可用藥是亦不仁不孝也已某衰老無能過膺重責夙夜震恐不敢寧處伏望待制炤悉早賜指揮所統諸將起發前進令去京二三程劄寨示仇方以天下軍民至誠懇切奮不顧身願入覲天表之意毋為一向顧惜諸人私意俾狂類恣肆全無忌憚也

狀

乞大元帥南京開府狀

契勘張邦昌久在敵中范瓊亦自草野中起恐其包藏陰與敵結凡事未可容易憑信某十日前因與汪元帥咨目乞密稟大王且於南京開府想旬浹間便可綏定一京城是祖宗應天受命長發之地二道路取中四方萬里便於申稟三臨汴流諸處漕運尤易辦集四於拱寧屯兵為嚴守計五可斷北來餉道敵雖稔姦當自破滅却令某統領見所管諸處節制人

忠武堂世系 卷之一
馬盡數前去京城十里以來劄寨齋大元帥榜文叙
哀痛懇切未忍遽歸瞻望宗廟朝廷與省府舊官閭
巷父老相見哽噎眷眷之意觀人心僣佇懇切然後
按轡徐行庶為萬全不致落敵姦便某下情不勝瞻
慕之至切望哀亮血誠早賜施行

上大元帥府勸進第二狀

某等累狀乞大王早決大計以安人心伏准降到劄
子所請難議施行者屢布忱誠仰祈洞鑒茲叶寰區
之願實繫宗廟之依豈謂隆謙未蒙昭允竊以四海
之遠必殫號施令然後上下孚必信賞信罰然後大
小服深惟軍國之重可虛宸極之尊二聖播遷羣黎
翹佇念祖宗積累垂無疆燾養之恩而狂類貪殘起
不測侵陵之變有踈早悟遂致稔姦雲甲霜戈共力
追於朔野天旌龍馭期早復於皇居然推戴有繫於

人心况寄託已彰於天意尚稽獨斷曷慰輿情伏望
大正以聰明之資振久大光明之業以智勇之略弭
變亂窺竊之風鞏固洪圖措安大噐不得已臨蒞赫
乎羣目之瞻惟式克欽承亶乃萬方之聽某等無任
祈求懇切俟命之至

臣等聞大元帥討張邦昌狀畧曰
人臣豈有服赭袍張紅蓋御正殿者乎自古奸臣皆
外為恭順而中藏禍心未有竊據寶位改元肆赦惡
狀昭著若邦昌者今二聖諸王悉渡河而北惟大王
在濟天意可知宜亟行天討興復社稷不可不斷某
不勝憤懣切望賜命逃竄得敵中忠義數人為力
脫羶網今具河北事宜利害敷奏聖上竊恐某臣
于障蔽難達其素知公梗槩敢為竭節報國遂
素頓公多方繳奏使之得到御前得兵運至不

人心况寄託也彰於天意尚稽獨斷易勉與精誠
大正以明文明資振文大光明之業以智勇之略
不類勳勳世望顯命欽承宜乃萬方之聽其等
奇奮天意夜味且亟升天信興蘇坤野不河不
水即著著味昌昔今二聖臨王悉敷所而北對大
水燕恭則而中燕斷必未齊齋對寶立如示轉妹惡
入豆豈育眼蘇蘇聚瑞蓋嚇五煥昔乎自古我豆脊
土大示相信飛味昌水畧

咨目

上信王咨目

某咨目頓首上呈領尹元帥延康台座春和伏惟輔
國宣勞神相忠勤台候多福某切以國家多艱金人
入寇兩犯京城劫遷二聖下及血屬三千餘口長驅
北去某到慶源遠謀逃竄得敵中忠義數人為力遂
脫羶網今具河北事宜利害敷奏聖上竊恐姦臣賊
子障蔽難達某素知公梗槩敢為竭節報國遂再具
奏煩公多方繳奏使之得到御前得兵速至不勝萬

幸自餘更冀上為廟朝倍保台重前膺大拜祝望之
至不宣

劄子

上大元帥康王劄子

某恭惟太祖皇帝創業垂統當傳之億萬世今方二
百年豈謂仇方橫肆邀迎二聖與諸親王渡河北去
天下百姓所注耳目繫其望者惟大元帥康王一人
大元帥行之得其道則天下將自安宗廟社稷將自
寧二帝二后諸王將自回彼之仇方將自剗絕殄滅
大元帥行之不得其道則天下從此而亂宗廟社稷
亦從此而傾危二帝二后諸親王無夤緣可回仇方

愈熾亦無因緣而亡此事在大元帥行之得其道與
不得其道耳某所謂道者其說有五一日近剛正而
遠柔邪二日納諫諍而拒諛佞三日尚恭儉而抑驕
奢四日體憂勤而忘逸樂五日進公實而退私偽是
五者甚易知易行然歷世莫能知能行者繇剛正諫
諍恭儉憂勤公實之事多逆於心也柔邪諛佞驕奢
逸樂私偽之事多遜於志也伊尹曰有言逆于汝心
必求諸道有言遜於汝志必求諸非道合諸道者君
子也合諸非道者小人也願大王於應酬答問之間
以茲五事卜驗則君子小人了然分矣某之血誠痛
切每思我宋本嗣無疆今勢孤危岌業如此某願大
元帥大王左右嘗膽不忘在濟時夙夜羨墻不忘我
祖宗時則天下可安宗廟社稷可寧二帝二后諸王
可回仇方雖熾可剿絕殄滅夫何遠之有在大元帥
大王力行之而已

乞過河措置事宜劄子

臣契勘河北西路真定懷衛濬等處見有敵人占據
今又分留敵馬於洛州四向劄寨密栽鹿角意欲攻
打若河西諸州不守即彼之姦計包藏不淺京師雖
為備禦未易可居臣為見有上件事宜已於今月初
七日統押人馬自游家渡過河約河西忠義統制等
商議隨宜措畫若事理可行即一面招集同心協力
以圖收復安集流移為久遠利若敵勢厚重不可施
行即具所見利害的確便宜畫一敷奏伏望聖慈體

念河北繫天下根本河北不守則干戈弓矢未易橐
戢臣每思前日之失盖繇將相恃賴太平恬不為恤
朝進一言暮入一說惟以講和乞盟為意今更泐襲
不修武備臣竊憂之兵法曰先為不可勝以待敵之
可勝臣不揆衰繭無能見過河相度別具奏聞者

條畫四事劄子

臣聞情生於愛愛生於見見生於目之所遇與左右
之所接所遇所接果順於已則喜喜則賞之賞之者
非懋其功也賞其順已而已耳所遇所接果逆於已
則怒怒則罰之罰之者非罰其罪也罰其逆已而已
耳如是則賞罰出於喜怒喜怒出於逆順可謂之公
而無私乎賞罰徇私其何以礪世磨鈍大有為於天
下乎聖人無我故忘情忘情故忘逆順忘逆順故忘
喜怒故賞一善而天下之為善者勸知其非私喜也

中正堂世系 卷之一
罰一惡而天下之為惡者沮亦知其非私怒也一賞
一罰歸之至公而我無容心焉人其不心悅而誠服
者乎陛下所以號令天下使人知所趨知所避知所
行知所止者賞罰而已昔文王一怒而安天下之民
武王亦一怒而安天下之民是怒也豈發於目之所
遇於左右之所接哉彼仇方橫肆兇暴侵犯我王室
臣願陛下如文王武王亦一怒而安天下之民有賞
有罰惟平惟一至于應酬萬機進退取予之際斷之
至公以慰天下之望

臣聞人君職在論相昔舜有天下選於衆舉臯陶不
仁者遠湯有天下選于衆舉伊尹不仁者遠臯陶贊
舜去四凶而後九德咸事庶績其凝伊尹贊湯革夏
而後咸有一德格于皇天是知不仁者遠不能播其
惡于衆始能使衆賢和於朝更相汲引以成大功也
以人君身居九重其彌縫變理鎮撫表正但仰成于
朝而已高宗得傅說而商中興憲宗得裴度而唐中
興臣願陛下于稠人廣衆中不以親疎不以遠近不
以夢不以卜虛心考驗參以國人左右之言爰立作

忠正堂世集 卷之一
相俾之應變守文果得其人能率厲衆志交修不逮
其在位皆節儉正直小大之臣咸懷忠良以持天下
之正以成天下之務天下其有不大治者乎陛下果
尊道德遠邪佞與大臣言欽而信毋使小人參焉與
賢者遊親而禮毋使不肖者與焉用賢勿貳去邪弗
疑斯言行而天下治矣書曰知之非艱行之惟艱知
之不行無益也行之不至無益也茲事在陛下力行
之而已矣

臣伏聞李絳見憲宗于浴堂殿帝曰比諫官多殉黨
論奏不實皆陷謗訕欲謫其尤者如何絳曰此非上
意必儉人以此熒誤上心自古納諫昌拒諫亡夫臣
進言于上豈易哉君尊如天臣卑如地加以雷霆之
威彼晝夜思度如欲陳十事俄而去五六及將以聞
則又憚而削其半故上達者纔十二何哉下不測之
禍顧身無利雖開納獎勵尚恐不至若譴訶之使杜
口非社稷利帝曰非卿之言我不知諫之益且人君
深居嚴密又以旒纒蔽其聰明所以見天下之是非
開天下之情偽者盖用諫官代為耳目俾姦邪讒慝

不敢掩其不善而見其善者也唐高祖太宗初即位
嘗賞孫伏伽蘇世長以激諫臣恭惟陛下聲色貨利
弗邇弗殖舍已從人樂取諸人以為善固無可諫者
至於臣下懷姦藏慝嫉賢蔽善敢肆欺罔苟朋比者
當使耳目之臣廣其聞見瀝心彈糾毋有所隱以絕
後艱

臣聞天下之事為於可為之時則成為於不可為之
時則敗成敗之機間不容穽是以古人有時哉不可
失之語恭惟陛下繼離之炤法乾之剛故見幾而作

炳果斷而罔後艱成敗之幾不出昭回之鑒臣復何
言臣誠心祇思徇國久荷眷遇臣非木石寧不自知
然臣每見事有當行請之必力言既拙直勢甚孤危
願陛下察臣之衷力賜保佑使全骸骨以盡餘年臣
之悃誠言不盡意

乞進兵渡河疏

乞都長安疏

乞奏乞修寶錄宮疏

奏給公據與契丹漢兒及被擄之民疏

不以此掩其不善而見其善者也唐高祖太宗初即位
嘗賞孫伏伽蘇世長以激諫臣恭惟陛下聲色貨利
弗通弗殖舍已從人樂取諸人以為善固無可諫者
至於臣下懷姦藏惡嫉賢蔽善敢肆欺罔苟朋比者
之剛熾言不盡意其聞見漚心彈糾母有所隱以絕
輿論不察臣之東大觀計對全蠲骨以盡鎗平引
然臣每具事直當許請之必大言規跡直獲甚厭亦
言臣類以放思而國之荷眷異日非木可寧不自快
然果幽而國益驥為規之幾不出即回之鑿臣對何

全集目錄

卷之二 奏疏

乞毋割地與金人疏

乞依舊拘留敵使疏

條畫五事疏

乞進兵渡河疏

乞都長安疏

再奏乞修寶籙宮疏

奏給公據與契丹漢兒及被擄之民疏

乞回鑾疏 第一

乞回鑾疏 第二

乞回鑾疏 第四

乞回鑾疏 第五

乞回鑾疏 第六

乞回鑾疏 第七

乞回鑾疏 第八

乞回鑾疏 第十一

宋宗忠簡公全集卷之二

意到不問必心赫然實感二十一世孫文燦敬修

奏疏

乞毋割地與金人疏

臣聞天下者我太祖太宗肇造一統之天下也奕世聖人繼繼相承增光共貫之天下也陛下為天眷佑為民推戴入紹大統固當兢兢業業思傳之億萬世奈何遽議割河之東又議割河之西又議割陝之蒲解乎此三路者太祖太宗基命定命之地也奈何輕

忠武堂世集 卷之二
聽姦邪附敵張皇者之言而遂自分裂乎臣竊謂淵
聖皇帝有天下之大四海九州之富兆民萬姓之衆
自金人再犯未嘗命一將出一師厲一兵秣一馬曰
征曰戰但聞姦邪之臣朝進一言以告和暮入一說
以乞盟惟辭之卑惟禮之厚惟敵言是聽惟敵求是
應因循踰時終致二聖播遷后妃親王流離北去臣
每念是禍正宜天下臣子弟與仇方俱生之日也臣
意陛下即位必赫然震怒旋乾轉坤大明黜陟以賞
善罰惡以進賢退不肖以再造我王室以中興我大

宋基業今四十日矣未聞有所號令作新斯民但見
刑部指揮有不得謄播赦文於河東河西陝之蒲解
茲非新人耳目也是欲蹈西晉東遷既覆之轍耳是
欲裂王者大一統之緒為偏霸耳為是說者不忠不
孝之甚也既自不忠不孝又壞天下忠義之心褫天
下忠義之氣俾河之東西陝之蒲解皆無路為忠為
義是賊其民者也臣雖駑怯當躬冒矢石為諸將先
得捐軀報國恩足矣臣衰老不勝痛憤激切之至
建炎元年六月奏

忠正堂七卷之二

忠正堂七卷之二

卷之二

事炎示平
醉醜辨國恩又矣日來亦不無敵謝始以之

不來

西

心

事之甚

下

天

必深王

不

不

非非人五月少長於西晉東

不基業今四十日矣未聞有

王與乞依舊拘留敵使疏

臣伏見我國家承平幾二百年

數世戴白之老不識

兵革上下恬嬉猶夷度日不復以權謀戰爭為念乃

以仇方誕謾為可憑信朝廷恬視不少置疑不惟不

曾教人坐作進退擊刺挽射之技俾嚴攻討其間有

實欲賈勇思敵所愾之人士大夫不以為狂則以為

妄因循苟且以致仇方顛越不恭遂有前日之禍臣

不勝憤恨然茲非仇方之能也皆繇無誠實之士鼓

唱驕逸率以斂跡逃避曲辱不恥為智為勇耳萬一

有慷慨論列則掩耳不聽別造佞說以相浮動茲無
他大抵只欲助敵張皇聲勢直為我祖宗一統基業
更不當顧藉宜兩手分付與仇方耳嗟乎何不忠不
義之甚也臣每思念涕泗交下繼之以血此天地神
明之所昭鑒臣恭惟淵聖皇帝靖康之初信此和議
俾敵大獲而歸去冬與今春夏仇方猖獗大臣柔邪
諛佞蓄縮畏避者不敢略有抗拒語但以詭譎為誠
實包藏為智謀緘默為沉鷲遂致二聖蒙塵后妃親
王與無辜之民流離北去想陛下龍潛濟鄆嘗親聞

見張邦昌耿南仲輩所為也陛下入繼大統即將前
主和議者竄之嶺外使天下冤抑之氣一旦舒快自
後臣竊聞陛下日與二三大臣論思講畫必欲大雪
我廟朝之耻激厲卒伍勸率義士俾思剿絕以正彝
夏不意陛下復聽姦邪之語又浸漸望和迂回曲折
為退走計臣願陛下試一思之陛下初即位何故以
講和為非遂逐當世議臣陛下近日又何故只信憑
姦邪與仇方為地者之畫營繕金陵迎奉元祐太后
仍遣省官迎太廟木主棄河東河西河北京東京西

淮南陝右七路千百萬生靈如糞壤草芥略不顧恤
此仇方遣姦狡小醜假作使偽楚為名來覘我大宋
虛實臣見如是因納諫狀與留守范訥乞收仇方奉
使之入置之牢狴奏取朝廷旨揮庶激軍民士庶懷
寃之心俾肯力戰仰贊陛下再造王室中興大宋基
業之意今却令遷置別館優加待遇臣奉此詔命憂
思涕泣心欲折死不知二三大臣何為於仇方情款
如是之厚而於我國家訐謨如是之薄臣每思京師
人情物價漸如我祖宗時若鑾駕一歸則再造之功
與中興之烈必赫奕宏大跨商周而越漢唐矣何姦
邪之臣尚狃和議惶惑聖聰伏望陛下察之臣之樸
愚不敢奉詔以彰國弱此我大宋興衰治亂之機也
臣願陛下思之陛下果以臣言為狂願盡賜褫削投
之瘴烟遠惡之地以快姦邪賊臣之心不勝痛憤激
切之至臣藉藁闕下以俟誅戮謹錄奏聞伏候勅旨
建炎元年八月奏

此中與之應必誠矣矣大觀商風而涉斯界矣同

條畫五事疏

臣衰老孱愚誤膺簡記但思瀝竭知無不為凡所敷
奏仰干天聽過蒙採納委曲俞允臣非木石豈不知
感但有經從三省與樞密院事百端阻抑幾不可行
臣欲隱忍不言者竄承稟切慮事干國體臣雖萬死
奈宗廟朝廷天下根本與數百萬生靈何臣所管器
鑰與畿甸事所繫實大願陛下憐憫孤忠毋以近言
惶惑聖聰臣且以近日三省樞密院戒約之文臣有
五疑焉器甲械用衲襖纓衫兵幕之類皆椿管準備

不得擅有支遣今遣將出師此是軍中合用之物不可闕誤而先行椿管不容支遣此一可疑也臣近召募人於四城劄寨為守禦之備今承問所召募之人係是何等色額如此則古人使貪使愚者皆不可憑信矣一可疑也臣為見尋常防河止以數千卒伍沿河分布敵有數騎侵犯即奔走潰散不復支吾臣今合京畿十六縣內有兩縣瀕河共七十二里均之諸縣縣管四里有畸各令開濠闊一丈八尺於南岸埋鹿角連珠劄寨敵有侵犯併力禦之已蒙聖慈矜允

行之亦似允當今樞密院行下約束只令依倣陝西以三七分為率三分出戰七分出助軍錢陛下念畿縣居民例遭殘破平時保甲十亡五六若止用此其寔無幾况重遭傷殘之餘勞來安集之猶恐散去又烏可以助軍錢阨之使速去耶此三可疑也今歲守禦之具與城池之備雖已粗辦尚多鹵莽未能如舊去處必須曉夕修造補葺繕備今三省樞密院旨揮諸場庫務如修城造器械見催工役不令支錢今修城糴場與軍器監入作司皆縮手無所為此四可疑

也夫人之情無大小無貧富靡不懷鄉土顧妻孥戀墳墓舉千萬人貌雖不同情即皆一歷世聖王所以成天下之大順而得多助之至天下順之者以能順人之情而已矣臣伏想陛下貔貅扈從億萬之衆多西北人陛下無偏聽三四重臣之言試廣詢僉同叶從之輿論斷自淵衷以決行幸臣竊見僕射黃潛善樞密汪伯彥張慤皆無遠識見無公議論偏頗回遁惟富貴是念朝入一言暮入一說皆欲贊陛下南幸此五可疑也伏望聖慈察臣之忠聽臣之言早賜睿旨天下幸甚臣不勝激切之至

建炎元年十月奏

建炎元年十月奏

建炎元年十月奏

建炎元年十月奏

建炎元年十月奏

建炎元年十月奏

建炎元年十月奏

建炎元年十月奏

建炎元年十月奏

遣少尹范世延詣行闕乞進兵渡河疏畧

伏願陛下親御六龍直抵沙漠則悖天之強敵必能
勦滅矣何堂堂天朝無一二大臣倡為興舉惟識今
日駕幸揚州明日駕幸金陵專為退避敵人之計臣
老病死不足惜第恨二聖未還疆土未靖願陛下留
神審察於斯

建炎二年正月奏

乞都長安疏

聖宋都汴城垂二百年天下未嘗有犬吠之警靖康
初年金人兩犯京闕兵將失守遂致二聖播遷臣子
言之可為痛哭陛下纘承大統即位南京顧非不知
宗廟社稷之所在而都人士庶之望幸也時金人退
師之初大姦擅國之後或慮舊染未浚包藏不測固
將所待也臣區區愚衷每輒過計切以京師者諸夏
之本根素號四通八達之郊舟車輻輳民物浩穰方
天下無事而居之實為萬世之長利也今仇方猖獗

忠正堂世系 卷之二
動至畿甸恐議者慮今秋長驅南來不過請陛下遷
都而已洛陽既已殘破大名稍近賊境必曰南都可
矣若以其俯臨清汴緩急之際可以順流而下轉至
江淮虎踞龍蟠金陵可都大不然也且並進而深入
擣得金人巢穴以迎二聖陛下駐蹕長安則金人必
不能西向潼關中原豪傑盡樂為陛下用內外之患
皆可消弭而祖宗大業可以永保而傳億萬世天下
既定東還京師亦不晚矣臣狂愚言不足採惟陛下
留神而聽之天下幸甚取進止

再奏乞修寶籙宮疏

臣昨奏乞修寶籙宮為淵聖皇帝他日涖止之所未
蒙降旨臣聞有子曰孝弟也者其為仁之本與知孝
弟則不犯上不犯上則天下治矣恭惟陛下孝於道
君則天下莫不愛其親陛下弟於淵聖則天下莫不
欽其兄是知上有所好則下必有甚焉者矣此所謂
以身教者也臣竊見隆德宮面勢翬飛孔安如舊將
來迎奉道君皇帝自可臨御願陛下預勅有司洒掃
嚴潔使天下知陛下孝於父淵聖將來還歸未有蒞

止之處臣欲乞將寶錄宮改建以為迎奉之地使天下知陛下弟於兄也推而行之薄海內外父父子子兄弟弟黎民不時雍而萬國不咸寧者未之有也如蒙俞允伏望斷自淵衷御前處分行下付臣施行

奏給公據與契丹漢兒及被虜之民疏

臣契勘金人一族本大遼之臣曩緣羣臣姦謀苟以目前之利相結壞亂耶律天祚使金人假大遼之衆侵犯中國竊見契丹漢兒自與我宋盟約幾百年實唇齒兄弟之邦偶被金人殺鹵忿怨不已止緣勢弱未繇報寬今若復約盟會使得回戈共力破敵一舉便可滅亡臣已措置彫印文榜公據令生獲漢兒齎往傳報自相激發設契丹漢兒未遽効命金人知之必相疑貳庶乘機併力賊勢可分所有本朝被據良

自顧但以正道瀝誠感之不旬浹間彼惡少輩咸知格心爍謀歛迹遁去其間巷間亦自然悛改上下帖然無復肆橫以是人人鼓舞仰陛下之威懷陛下之惠拳拳慕戀不啻嬰孺之愛父母咸思發憤敵其所愾臣每聞王畿內外日久嘉靖熙熙皞皞將如向祖宗慶祐熙豐時臣觀人心念念僭望者惟願陛下六龍之御警蹕之聲千乘萬騎來歸九重以副萬邦切切系戀之誠

建炎元年七月第一次奏請


再乞回鑾疏

臣聞禹之行水行其所無事所謂無事者非泊然無所為於事也事無事而已夫禹蒙天錫洪範九疇知水有順下之性且親見堯有洪水滔天績用弗成之患遂因水之性而順道之故天下免乎昏墊而奠厥攸居茲無他皆堯用禹之力也臣竊聞將士籍籍皆願陛下歸京師云京師是衆兵駐劄之本根也商旅籍籍皆願陛下歸京師云京師是天下賈販之要區也農民籍籍皆願陛下歸京師云京師是天下首善

之地也士大夫懷忠義者籍籍皆願陛下歸京師云
京師是陛下祖宗之域也臣前在臨濮兵寨中實憂
羣臣無遠識見恐贊陛下去維揚金陵又見京城有
賊臣張邦昌僭竊與范瓊輩擅行威福無所忌憚所
以曾暫乞駐蹕南都以觀天意以察人心仰蒙聽從
臣誤被宸恩差知開封府事今到五十餘日物價市
肆漸同平時每觀天意眷顧清明每察人心和平逸
樂且商賈農民士大夫之懷忠義者咸曰若陛下歸
正九重是王室再造大宋中興也臣竊料百僚中唱

為異議不欲陛下歸京師者不過如張邦昌等姦邪
輩陰與仇方為地耳臣願陛下體堯禹順水之性順
將士順商旅農民順士大夫之懷忠義者早降勅命
整頓六師及詔百執事示謁款宗廟垂拱九重之日
毋一向聽張邦昌姦邪輩陰與仇方為地者之語不
勝幸甚臣之少也猶不如人今年六十九矣眷眷血
誠恨其學問荒鄙不能以激忠義之辭仰動天聽不
勝涕泣痛怛之至

建炎元年八月第二次奏請



乞回鑾疏

臣聞聖人中天下而立定四海之民夫中原天下之中也京師又中原之中也我太祖太宗受天景命始基於汴肇造無疆膺大歷服固欲傳之億萬世偶去冬今春信憑仇方姦詐遂致二聖蒙塵陛下不得已應大順人纘承寶緒四海生靈謳歌抃舞自西自東自南自北罔不率俾以俟庶績咸熙萬邦嘉靖陛下既即位乃宴安南京四方聞之懷疑胥動遽相鼓扇聞諸州縣間有驚劫傷殘之患蓋是小民無知因疑

致憂因憂致變旋相踐蹂弗奠攸居茲無他繇陛下
寅畏過當駐蹕別都俯徇姦謀預圖遷幸使狡獪簧
惑敢爾橫肆盜據竊發罔循弼躋有闕文必歸吠畝
以操耒耜鑄劍戟為農器思不犯於有司爾若陛下
勅翠華之御俾千乘萬騎回復輦轂奠枕九重臣竊
謂可以垂衣裳而天下治可以坐視天民之阜王室
自然再造大宋可以中興尚何北人之足憂盜賊之
足慮乎古先哲王凡有大疑必詢之左右又詢之卿
士又詢之國人又詢之小筮臣蒙陛下務憐顧遇待

罪開封臣夙夜思念竊恐陛下所親信左右輔弼之
臣於對揚獻納之際不思祖宗創業之艱難與致一
統之匪易輕徇臆說有誤國家大計所以狂妄冒死
觸犯天威臣不勝憂憤戰慄激切之至聞陛下龍潛
建炎元年九月第四次奏請路茲乃祖宗湛德浹洽
得其心故也陛下紹登寶祚尚留南都臣自到京師
聞道路籍籍咸曰陛下何不認我宗廟乎何不眷顧
我朝廷乎何故使我社稷無所依乎何輕捨我生靈
使我未有所仰乎是都人之望陛下也切切如此臣

願早回六龍俾人感翠華之至深慰其心臣前劄具
奏以謂得其民當得其心其所欲與之聚之所惡弗
施爾也若陛下回鑾汴邑是人心所欲也願陛下與
之聚之陛下聽姦邪畏避北人之言妄議遷幸是所
惡也願陛下勿施爾也老臣血誠言不盡意
建炎元年九月第五次奏請

乞回鑾疏

臣學問膚淺不能式是古訓對揚天休今再瀝悃誠
于冒睿聽以臣耳目所親聞見事一二疏進伏望陛
下哀憐特賜俞允伏觀國家嘗變更三舍之法以取
士意謂臯夔稷契皆自此塗出卒之迫於月試剽竊
時文罔有稽古者是三舍果不足以取士也又嘗尊
崇道教以奉真亦謂神僊莊老皆自此塗出卒之誕
謾譎怪汙染成風罔有成就者是道術果不足以奉
真也又嘗進貢花石以昭享上卒之驕淫矜誇蠹耗

財計無有紀極是貢花石果不足以享上也又嘗結
好北人欲以息民卒之邀迎二聖劫掠侵欺靡所不
至是守和議果不足以息民也當時行之固有阿意
順旨作為歌頌以叨富貴者其間亦有毅然獨立不
相詭隨以鯁亮獲罪者陛下觀之惜富貴者為是乎
被罪者為非乎臣每思之宗廟社稷岌業如是者盡
繇姦邪儉人鼓唱四事俾民病弊幾不聊生所以致
有今日之患詩曰商鑒不遠在夏后之世茲覆轍正
陛下蕭牆之鑒今之言遷幸者猶前日之言四事為

可行阿諛諂佞動為身謀翕翕訛訛更相助成今之
言不可遷幸者猶前日之言四事不可行而罹其罪
者也且我京師是祖宗二百年積累之基業是天下
大一統之本根陛下奈何聽先入之言輕棄之欲以
遺海陬一狂類乎臣觀河東河西河北京東京西之
民咸懷冤負痛感慨激切想其慷慨之氣直欲吞此
狂類陛下何忍怙聽諛順而不令剛正之士率屬同
心剿絕兇殘乎今東京市井如舊上下安帖但嗷嗷
之人思望翠華之歸謁欵宗廟垂衣九重不啻饑渴

忠武堂世系 卷之二
之望飲食大旱之望雲霓也臣竊謂陛下歸則王
室再造矣中興之業復成矣陛下如以臣為狂率誕
妄願延左右之將士試一詢之昔周勃入北軍使左
袒右袒以卜劉呂蓋非獲已也臣區區誠意願陛下
以遷幸大計不獨謀之一二大臣當與億萬之衆同
之臣忠憤不勝涕泣交下激切屏營之至
建炎元年九月第六次奏請平賊累之甚衆去天下

乞回鑿䟽

伏覩朝廷前遣翁彥國營繕金陵比有詔復欲遣官
奉迎太后六宮以往且謂朕當獨留中原臣伏讀詔
書私竊疑之此必有進言者勸陛下過江避寇而不
思天下大計託為愛君之迹以濟其不忠臣願陛下
察其利害之實斷自淵衷早賜定論重念本朝提封
萬里京師號為腹心以祖宗都此垂二百年宗廟社
稷所在而民人依之以居者無慮萬萬計今兩河雖
未救寧猶一手臂之不伸也而乃遽欲去而之他非

唯不能療一手臂之不伸并與腹心而弃之豈祖宗所以付託之意與天下睽睽萬目所以仰望之心哉彼進言之臣談何容易且利害之端曉然可見臣乞陛下且駐蹕南都未可輕議舉動臣雖老矣尚當矍鑠鼓勇立辦禦敵之具以圖萬全之舉然後掃除宮禁嚴備扈從奉迎鑾輿謁見九廟非特使神祇祖考安樂之庶幾中原有什不失天下之大勢也不然則是徒為走計爾示北以弱非唯不恤兩河抑又不恤中原且去宗廟社稷而不顧陛下豈忍乎臣重為陛

下惜者此爾故敢直輸血誠幸陛下留意無忽昔景德間契丹寇澶淵警報一聞中外震恐是時王欽若江南人即勸章聖幸金陵陳堯佐蜀人即勸幸成都惟寇準毅然闢之請帝親征卒用成功顧臣庸謬何敢望準然事適相類不敢不以章聖望陛下也臣又自期既以迎奉鑾輿還都臣當身率諸道之兵直趨兩河之外喋血北廷非特生縛其帥直迎二聖以歸庶雪靖康一再之耻然後奉觴玉殿以為聖天子億萬斯年之賀臣之志願始畢矣竊自謂愛陛下者無

忠武堂世集 卷之二
踰老臣然不知臣者必指臣以為狂妄臣亦非所恤也伏望陛下觀事之宜察臣之心則知臣之忠於為國

建炎元年九月第七次奏請

乞回鑾疏

臣契勘京城四壁濠河樓櫓與守禦器具其當職官吏協心併力夙夜自公率厲不解增築開濬起造輯理浸皆就緒臣又製造決勝戰車一千二百輛每輛用五十有五人一卒使車八人推車二人扶輪六人執牌輔車二十人執長鎗隨牌輔車十有八人執神臂弓弩隨鎗射遠小使臣兩員專幹辦閱習車事每十車差大使臣一員總領為一隊見今四壁統制官日逐教閱坐作進退左右回旋曲折之陣委可以應

忠正堂世集 卷之二
用又沿河十六縣與上下州軍相接作聯珠寨以嚴
備禦臣見使王彥曹中正在河西攻擊收復州縣西
京河陽鄭滑等州同為一體把截探伺次第仇方畏
警已不敢輕動冒犯自速殄滅臣自到京奉揚陛下
仁風布宣陛下德意今街巷市井人情物態皆已忻
悅敕寧嘉靖同祖宗太平時顧臣犬馬之齒六十有
九此緣陛下委付之重常患才力不任惕惕憂懼近
日頓覺衰瘁萬一溘先朝露辜負陛下眷恤憐憫之
意臣死目不瞑儻使臣與官吏士民望翠華回輦之

塵瞻仰天顏俯伏百拜然後臣退以填溝壑如生之年
死骨不朽論語曰為政以德譬如北辰居其所而衆
星拱之京師乃我祖宗基命肇造二百年大一統基
業本根之地陛下奈何偏聽如張邦昌輩邪佞之語
以巡幸為名輕去其所使四海來享來王之人徜徉
道路於偏僻州軍為朝宗之地乎臣果得以此老身
俯伏道左迎陛下千乘萬騎垂拱九重奉陛下指揮
號令狂類可以消滅寇盜自然平蕩王室於焉再造
大宋中興可必若誕妄之人言臣欲以海陬餘孽貽

君父憂即臣自頂至踵甘俟斧鉞臣已修整御街御
廊護道杈子平整南薰門一帶御路聞萬邦百姓寓
于京師者日夜顚顚望陛下迎奉祖宗之主與隆祐
太后皇后妃嬪皇子天眷歸安大內以福天下臣夙
夜憂思眷眷戀戀繼之以泣願陛下憐臣孤忠矜臣
衰暮惟恐心力不逮或有誤陛下國家大計今年河
流不冰惟陛下斷自淵衷無惑羣邪之議書曰惟克
果斷乃罔後艱臣下情不勝激切之至
建炎元年十月第八次奏請

乞回鑾疏

臣聞易於渙之卦曰渙汗其大號此言人君發號施
令如汗焉一出而不可反也臣竊觀陛下踐膺大寶
權時之宜駐蹕近甸天下之民延頸企踵日望鑾輿
之歸經理中原以建中興之業故迺者親降詔書即
將還闕恭謁宗廟延見父老中外聞之莫不鼓舞相
慶以謂陛下英斷如此何事不立何功不就何浮言
之可惑何外敵之足憂太平基業正在此舉下詔之
後日復一日尚未聞千乘萬騎涓日啓行民心不能

無疑焉臣愚竊意陛下乾剛不撓離明並炤洞見安危之幾必不肯失信於天下是必有姦臣誤陛下負失信之謗也伏見邇者河陽水漲斷絕河梁有姓馬人妻王氏者率衆討敵敵勢窮蹙不知所為此天亡敵騎之時也夫天與不取反受其咎臣欲因此時遣閭勅王彥各統大兵乘其危孤大振軍聲盡平敵壘伏願陛下亟還京闕以繫天下之心則孰不用命且投機之會間不容穗願陛下毋惑於姦臣之言斷自淵衷臣自謂茲舉可保萬全無可一疑者也或姦謀蔽欺天聽未即還闕伏願陛下從臣措畫勿使姦臣沮抑以誤社稷大計陳師鞠旅與之決戰掃盡邊塵葺清海宇然後奉迎鑾輿歸還京闕以快天下之心以塞姦臣之口臣蒙陛下知遇誓効死節區區愚忠不能自己伏望聖慈特賜睿斷天下幸甚

建炎元年十月第十一次奏請

乞回鑾并罷習水戰疏 第十四

乞回鑾疏 第二

乞回鑾疏 第三

無疑焉臣愚竊意陛下乾剛不撓離明並耀洞見安
危之幾必不肯失信於天下是必有姦臣誤陛下負
失信之謗也伏見邇者河陽水漲斷絕河梁有姓馬
數炎示手者臣策討敵水毒齟齬不知所為此天亡
誠自且為望望慈熱顯春德天不棄其欲因此時遣
塞姦臣之口臣策與不味愚誓故取翰國國愚忠不
敢藏守於茲奉也鑿與顯戮京闕必於天不身必以
咄以隨地野大信賴而離亦與之失輝射盡豈豈豈
其天甄未明還闕外願到不於百散畫必於姦臣臣

全集目錄

卷之三 奏疏

乞回鑾疏 第十二

乞回鑾疏 第十四

乞回鑾疏 第十五

乞回鑾疏 第十六

乞回鑾并罷習水戰疏 第十七

乞回鑾疏 第二十一

乞回鑾疏 第二十一

遣范世延及子穎詣維揚乞回鑾疏 第二十二

乞回鑾疏 第二十三

乞回鑾仍以六月進兵渡河疏 第二十四

宋宗忠簡公全集卷之三

二十一世孫文燦敬修

奏疏

乞回鑾疏

臣聞易曰天下之動貞夫一孟子曰天下為乎定曰定於一恭惟京師是我太祖皇帝肇造大一統之本根也奕世聖人繼繼承承於此坐視天民之阜所以自西自東自南自北莫敢不來享莫敢不來王薄海內外莫不率俾陛下天錫勇智入紹寶緒天下之人

竭蹶稽首咸曰一哉王心今既奄有九有實萬世無疆之休陛下奈何不念四海生靈切切後后之意乃偏聽姦邪之言託為時巡駐蹕淮甸不思我宗廟朝廷祠享報上垂拱視下又不思我二聖后妃親王天屬蒙塵朝夕懷想迎取之志又不思我諸帝諸后陵園廟貌以時祀祭所以貽厥子孫之情臣竊謂陛下若於二月間詔勅回鑾登樓肆赦則天下皆知一人來歸九重強者當革心遠罪弱者當屏迹復業必無憂疑聚為盜賊諸軍將士震奮感激願敵所愾四彝

凶殘必滅心爍謀以就殄滅尚何惡之能為乎書曰時哉弗可失臣若有毫髮誤國大計臣有一子五孫甘被誅戮以謝天下臣竊恐州縣狃於搔擾百姓扇搖不能耕桑果耕桑失時則衣食之源盡廢衣食不給使諸大臣中雖有臯夔稷契伊尹周公亦不能善其後矣願陛下以祖宗二百年大一統基業為意不可憂思過計而信憑邪佞自為身謀者之語早勅回鑾則天下幸甚臣犬馬之齒已七十於禮與法皆合致其事以歸南畝臣漏盡鐘鳴猶僕僕不敢乞身以

退者非貪冒也寔為二聖蒙塵北狩陛下駐蹕在外
夙夜泣血惟恐因循後時使天下自此失我祖宗大
一統之緒所以狂妄屢有敷奏非臣好為此激訐恭
望睿慈委曲詳察

建炎二年正月第十二次奏請

乞回鑾疏

臣聞人主中天下而立定四海之民恭惟太祖皇帝
肇造區夏以今京師為天下中故創業垂統欲傳之
億萬世太宗真宗仁宗英宗神宗哲廟奕世聖人傳
以相授皆以京師為本根之地所以高拱穆清坐視
天民之阜必於天下之中也惟奠枕于京則自西自
東自南自北莫敢不來享莫敢不來王矣偶緣玩習
太平之久文武恬嬉狃於驕淫矜誇忘戰守之備遂
致仇方橫肆殘破州縣圍閉京城劫迎二聖后妃親

王與諸天眷蒙塵北去僑寓沙漠此忠臣義士所以夙夜涕泣繼之以血自陛下即位應天四海萬方歡欣鼓舞垂髫髻背山農野叟咸以手加額仰面謝天曰天下有真主矣萬世永賴寔天祚明德為無疆之休矣四方帖然若遠若近並無盜賊暨陛下偏聽姦邪與仇方為地者之語移蹕淮甸諸處兇惡強盜如蝟毛起如蜂鬩聚縱火殺掠所在猖獗罔有悛懼以謂朝廷在遠無所依歸遽至是爾臣於二月十八日祇授降到黃榜詔勅云遂假勤王之名公為聚寇之

患如是則勤王之人皆解體矣臣竊謂自敵人圍閉京城天下忠義之士憤懣痛切感厲爭奮故自廣之東西湖之南北福建江淮梯山航海越數千里爭先勤王但當時大臣無遠識見無大謀略低回曲折憑信誕妄不能撫而用之遂致二聖北狩諸親骨肉皆為劫持牽聯道路當時大臣不出一語使勤王大兵前往救援凡勤王人例遭斥逐未嘗有所犒賞未嘗有所幫助饑餓流離困厄道路弱者填滿溝壑強者盡為盜賊此非勤王之罪皆一時措置乖謬耳比

來姦邪之臣方爾肆橫仇方自然得勢強梁惡少無
緣殄滅竊念國家聖子神孫繼繼相承湛恩盛德滲
漉人心淪浹骨髓今河東河西不隨順仇方雖為髡
頭編髮而自保山寨者不知其幾千萬人諸處節義
丈夫不顧其身而自黥其面為爭先救駕者又不知
幾萬數也今陛下以勤王者為盜賊則保山寨與自
黥面者豈不失其心耶此語一出自今而後恐不復
肯為勤王者矣噫得天下有道在得其民得其民有
道在得其心陛下若駐蹕淮甸俾人顛顛之望皇皇

之情未有所慰安此人之心也願陛下勿阻遏之以
失人心臣仰詳詔語豈陛下之意皆詞臣失職不能
敷繹之過臣願陛下黜代言之臣別降罪已之詔許
還闕之期以大慰元元激切之意陛下還京登樓肆
赦則天下之人盡皆遷善遠罪不犯於有司豈復更
有為盜者王室再造大宋中興在此一舉願陛下睿
斷而力行之若以臣言上拂陛下之意誅之赦之惟
陛下命

建炎二年三月第十四次奏請

以文正平正其氣十回公奉厥
對平命

臣聞范仲淹云天下之事有二黨焉一黨曰發必危
言立必危行王道正直何用曲為一黨曰遜言易入
遜行易合人生安樂何用憂為天下之治亂在二者
勝負耳大抵危言危行是欲致君於無過置民於無
怨而已天下豈有不治者乎若夫遜言遜行之徒阿
諛曲折隨意所嚮迎逢苟合君施恩於上而下弗被
民懷怨於下而上弗知如是天下豈有不亂者乎今
之士大夫志氣每下議論卑陋上者不過持祿保寵

乞回鑾疏

臣聞范仲淹云天下之事有二黨焉一黨曰發必危
言立必危行王道正直何用曲為一黨曰遜言易入
遜行易合人生安樂何用憂為天下之治亂在二者
勝負耳大抵危言危行是欲致君於無過置民於無
怨而已天下豈有不治者乎若夫遜言遜行之徒阿
諛曲折隨意所嚮迎逢苟合君施恩於上而下弗被
民懷怨於下而上弗知如是天下豈有不亂者乎今
之士大夫志氣每下議論卑陋上者不過持祿保寵

下者不過便文自營曾不能留心惻怛為陛下思承
祖宗二百年大一統基業為可惜又不為陛下思父
母兄弟與至親天眷蒙塵沙漠翹翹後望大兵救援
之意又不曾為陛下思祖宗西京園陵寢廟為仇方
所占今年寒食節未有公享之地又不曾為陛下思
京師是天下之本根宗廟朝廷百司倉廩儼然如舊
又不曾為陛下思河北河東京之東西陝右淮甸百
億萬生靈之衆罹塗炭劫掠殘破之苦但朝進一言
暮入一說計較泛舟冒大風險欲南幸湖外此奸邪

之謀耳臣嘗思之是一欲為仇方方便之計二為姦
邪親屬皆先已津置在南嗟乎為臣不忠不義乃至
於此孔子所謂苟患失之無所不至正謂是也臣夙
夜痛心泣血瀝竭愚忠為陛下保護京城自去年秋
冬今春又三月矣農務是時陛下不早回九重則天
下靡有定止臣不勝憤懣激切再瀆天聽狂妄干冒
甘俟鼎鑊

建炎二年三月第十五次奏請

乞回鑾疏

易曰幾者動之微吉之先見者也君子見幾而作不
俟終日孟子曰雖有鎡基不如待時蓋天下之事見
幾而為之待時而措之則事無不成苟或失焉必至
汗漫委靡而不振矣方今輦轂之下民俗安靖宗廟
社稷儼然如故以致收復伊洛而北渠過河捍蔽滑
臺而敵騎屢敗河東河北山寨義民數遣人至臣處
乞出給榜旗引領舉踵日望官兵之至皆欲戮力協
心掃蕩邊北以幾言之則大宋中興之盛於是乎先

見矣以時言之則北人滅亡之期於是乎可必矣惟在陛下見幾乘時早還華闕與忠臣義士究圖事功則萬舉萬全可以滅仇方而成中興也或者以謂自揚至汴時有小寇敵屬車之來途中不能無虞臣謂造此言者乃姦儉小人自為身謀爾殊不知盜賊所以作者誠緣法駕久寓外郡國勢未強天下不能定于一故時有竊發之事乃若六龍來復宅中圖大則比屋歡呼人各歸業強不陵弱衆不暴寡豈復有盜賊耶此事甚易明此理甚易知然而姦邪之蔽於營

私往往不肯開陳而力為陛下詳說者惟老臣而已臣所以再三言之者豈好辯哉恭念祖宗二百年舊都不忍為姦臣委去也恭念陛下聰明齊聖之資不忍為姦臣蔽蒙也念赤子之嗷嗷不忍為姦臣坐視而不救也念北人之猖獗不忍為姦臣縱敵而不殺也伏願陛下念茲在茲斷自淵衷速回鑾輿上以對祖宗之神靈下以慰黎元之懷想外以平醜類之侮拂則天下大定指日可期書曰勅天之命惟時惟幾望陛下留神而三復之臣今遣僚吏呼延次外及臣

之子穎請行闕以聞

建炎二年三月第十六次奏請

[Faded bleed-through text from the reverse side of the page]

乞回鑾并罷習水戰疏

臣得范瓊書叙說所統軍兵有海內招安使臣水軍
奉聖旨令於儀真駐劄教習水戰控扼上流於三月
八日已到真州臣讀此語而不知扈蹕之臣誰為陛
下建此議也且王者無外其規模約束當使守在四
曩昔楚人城郢史猶鄙之况陛下奄有九有之時可
規模子牙為偏霸之事乎茲豈儉人之欲虛張敵勢
以為可防其意望遷延六龍進發之期爾殊不知此
聲一傳則四方驚愕必以謂中原不守遂為江寧控

扼之計如是則何以綏安四海之聽乎蓋天子為君
萬邦而元后作民父母陛下回鑿登樓肆赦則普率
之人忻忻悅而相告曰天子宅中圖大則萬邦罔不
率俾矣元后正位丕承則兆民浸浸於變時雍矣夫
如是臣將見仇方不足滅而中興之功與天比崇若
使范瓊教習水戰是聖心猶豫尚緩還期見中外播
聞愈自懾怯則萬國何自而咸寧乎此臣所以拭目
注望屬車之塵不忘夙夜伏願陛下明詔范瓊整束
人馬不須更習水戰祇備扈駕歸御京闕毋使羣黎

百姓齋咨涕泣則豈惟老臣之幸寔天下萬世之幸

建炎二年三月第十七奏請川太守因從車駕擊隗

囂潁川盜賊羣起帝顧謂恂曰潁川逼近京師當以

時定獨卿能平之恂對曰潁川惡少輕剽奚能為哉

但聞陛下有事隴蜀故乘間竊發耳若乘輿南向賊

必惶怖歸死臣願執銳前驅帝即日命駕南征盜賊

悉降遂建東漢中興之業臣竊見近日有招安到丁

進者數十萬眾願為陛下守護京城又李貴願扈從

還闕即渡河剿絕仇方不設角牛場進等類眾百萬

紀之計如是則何以綏安四海之聽乎蓋天子為君
萬邦而元后作民父母陛下回鑿登樓肆赦則普率
之人忻悅而相告曰天子宅中圖大則萬邦固不
幸俾矣元后正位丕承則兆民浸浸於變時雍矣夫
如是臣將見仇方不足滅而中興之功與天比崇若
使范瓊教習水戰是聖心猶豫尚緩還期見中外播
聞愈自懾怯則萬國何自而咸寧乎此臣所以拭目
俟也二羊三民策七次奏請願陛下明詔范瓊整束
不揚齋容裁減限豈欺哉且多幸矣天可萬世之幸

乞回鑿疏

臣竊見漢光武用寇恂為潁川太守因從車駕擊隗
囂潁川盜賊羣起帝顧謂恂曰潁川迫近京師當以
時定獨卿能平之恂對曰潁川惡少輕剽奚能為哉
但聞陛下有事隴蜀故乘間竊發耳若乘輿南向賊
必惶怖歸死臣願執銳前驅帝即日命駕南征盜賊
悉降遂建東漢中興之業臣竊見近日有招安到丁
進者數十萬眾願為陛下守護京城又李貴願扈從
還闕即渡河剿絕仇方又沒角牛楊進等領眾百萬

忠正堂世身 卷之三
亦願率衆渡河迎取二聖茲三頭項人馬非潁川比也今皆披瀝肝膽同寅協恭共濟國事臣聞得道者多助多助之至天下順之果陛下千乘萬騎來歸九重適追我太祖太宗奕世聖人二百年大一統基業則天下必心悅而誠服庶績其凝萬國咸寧矣尚何盜賊北人之足慮乎臣敢瀝悃誠再冒天聽伏望裁赦

建炎二年四月第二十次奏請

乞回鑾疏

臣聞孟子曰雖有鎡基不如待時故君子不先時而起不後時而縮當其可而已易曰幾者動之微吉之先見者也故君子見幾而作不俟終日不曰如之何而已恭惟我國家曩緣北人侵犯郊畿殘破州縣恣為誕妄百端邀求今天意悔禍人心助順考時與幾實陛下中興之會也古聖人勅天之命惟時惟幾者蓋以時哉不可失而知幾若神故也臣觀京師城壁已增固矣樓櫓已修飾矣龍濠已開濬矣器械已足

備矣寨柵已羅列矣戰陣已閱習矣人氣已勇銳矣
汴河蔡河五丈河皆已通流泛應綱運陝西京東滑
臺京洛北人皆已掩殺潰遁矣天下萬邦與畿甸生
靈夙夕祈天而請者鄉南懇禱而願者但望陛下千
乘萬騎號令風伯雨師清塵洒道翠華回輦歸御九
重為四海九州作主耳且一人有慶兆民賴之茲其
時也茲其幾也臣願陛下毋聽姦邪之言而忽其時
忘其幾天下幸甚果息兩河山寨之心與沮萬民敵
愾之氣則天下危矣願陛下毋循東晉既覆之轍臣

老矣不勝至誠惻怛懇切之至願陛下哀憐之

建炎二年五月第二十一次奏請



遣少尹范世延機幕宗穎詣維揚請回鑾疏

臣聞孟子言術不可不慎也矢人惟恐不傷人函人
惟恐傷人巫匠亦然臣因斯言始知人心所存之邪
正與所作之是非若以迹槩之了然區分如辨黑白
夫忠義之人動容周旋無非忠義而不忠不義之事
無自入焉故其於上下愛戴保護不啻如函人惟恐
其傷之也彼不忠不義之人動容周旋亦無非不忠
不義而忠義之道無自入焉故其於上下毀裂擯棄
不啻如矢人惟恐其不傷之也恭惟我國家曩緣仇

方肆橫殘破州縣圍閉京城劫掠邀求靡有紀極以
至強迎二聖后妃親王與諸天眷蒙塵北去凡忠義
之士莫不痛心疾首泣血奮厲佐佑陛下張皇六師
震耀神武總領貔貅之士掃蕩沙漠迎奉二聖來歸
京師俾中原生靈還定安集罔或流散愛戴其上保
護其下夙夜念念想如函人焉惟恐其或傷之也其
不忠不義者但知持祿保寵動為身謀謂我祖宗二
百年大一統基業不足惜謂我京城宗廟朝廷府藏
不足戀謂二聖后妃親王天眷不足救謂諸帝諸后

山林園寢不足護謂周室中興不足紹謂晉惠覆轍
不足羞謂巡狩之名為可效謂偏地之伯為可述儲
金幣以為敵資椿噐械以為敵用禁守禦之招募慮
勇敢之敵敵也培保甲以助軍慮流移之安業也歎
罔天聽凌蔑下民凡誤國之事無不為之猶矢人焉
惟恐其或不傷之也臣願陛下驗已試之迹以道槩
之則人心所存之邪正與所作之是非自然區分無
足疑矣臣衰老孱懦謂蒙陛下識擢俾留守京城兼
開封尹事臣砥礪瀝竭知無不為惟恐失錯有誤國

忠正堂世系 卷之三
家大計然臣每所申奏若非陛下察臣斷斷孤忠憐
臣悄悄見愠體天地之大德覆護日月之大明炤
臨臣與血屬當膏砧斧鑿粉萬狀矣尚安能為陛下
保釐尹正使京城市井里巷安居樂業熙熙皞皞如
我祖宗太平之時乎臣之至此豈止謗書盈篋而已
邪臣願陛下六龍萬乘早歸大內下慰四海生靈瀝
血懇切之望臣之言此實出悃誠痛切憤悶所以不
避姦邪詆誣不避冒犯誅戮臣願陛下降臣此言榜
之朝堂俾應在朝臣僚實封章疏指摘臣言如臣言

稍涉狂妄乞正典刑明臣罪惡如臣言果符忠義乞
降詔勅明告回鑿之期庶安天下之聽此事甚大恭
俟睿慈洞察勿貳勿疑

建炎二年五月第二十二次奏請

乞回鑾疏

臣犬馬之年已七十矣陛下不以臣衰老無用付之
東京留鑰臣自去年七月到任夙夜究心營繕樓櫓
城壁掃除宮禁闕廷分布柵寨訓練士卒教習車陣
比及終冬諸事稍稍就緒都城帖然風物如舊人人
延頸跂踵日夜俟望聖駕還闕臣以故自今年正月
三月兩次遣屬吏及臣之子捧表遠詣行在投進懇
請車駕西上歸肆大赦於宣德門使天下曉然皆知
陛下言旋舊都再造王室命令用是通達盜賊用是

消弭無復有方命阻兵之患然後用臣為陛下條畫
措置造膝陳請遣一使泛海道入高麗諭以元豐高宗
御好之舊令出兵攻仇方之西又復遣官從間道趨
河東諭折氏修其舊職以固吾圉使三陟交攻仇方
令彼應敵不暇吾方大舉六月之師一道繇滑濬一
道出懷衛涉河並進北首燕路訪大遼子孫興滅繼
絕約為與國則燕薊之感恩荷德不患不為吾用如
此則仇方勢必孤弱自可縛而臣之二聖天眷自此
決有歸期兩河故地自此決可收復而况兩河之人

感祖宗二百年涵養之澤雖陷敵踰年而戴宋之心
初無攜貳使吾大兵渡河而戰則東北人民必有背
敵歸我前徒倒戈攻于後以北誰不願為吾死孟子
曰雖有智慧不如乘勢雖有鎡基不如待時今時則
易然也臣嘗以今日時勢觀之天意悔禍人心固結
雖三尺童子爭欲奮臂鼓勇恨不碎仇方之首食仇
方之肉又况當六月宣王北伐之時機會間不容髮
陛下何憚而不亟還京師使臣獲奉咫尺之威請借
筋以籌黃帝書曰日中必熇操刀必割此言時不可

失也諺曰當斷不斷反受其亂此言斷不可誣也今日之事臣願陛下以時果斷而行之毋惑讒邪之言毋沮忠鯁之論倘陛下以臣言為是願大駕即日還都使臣為陛下得盡愚計若陛下以臣言為非願陛下即日放罷老臣或重竄責臣所不辭惟明主可與忠言臣故昧死以聞

建炎二年五月第二十三次奏請


奏乞回鑾仍以六月進兵渡河疏

臣聞詩於小雅載六月宣王北伐之事蓋北人以弓矢馬騎為先而當六月歆蒸之時皆難於致用故宣王乘時行師終於薄伐玁狁以建中興之功臣自留守京師夙夜匪懈經畫軍旅近據諸路探報敵勢窮促可以進兵臣欲乘此暑月遣王彥等自滑州渡河取懷衛濬相等處遣王再興等自鄭州直護西京陵寢遣馬橫等自大名取洺趙真定揚進王善丁進李貴等諸頭項各以所領兵分路並進既過河則山寨

忠義之民相應者不啻百萬契丹漢兒亦必同心殲
殄仇方事纔有緒臣乞朝廷遣使聲言立契丹天祚
之後講尋舊好且興滅繼絕是王政所先以歸天下
心也况使仇方駭聞自相攜貳邪仍乞遣知幾辯博
之士西使夏東使高麗喻以禍福兩國素蒙我宋厚
恩必出助兵同加掃蕩若然則二聖有回鑾之期兩
河可以安帖陛下中興之功遠過周宣之世矣臣犬
馬之齒今年七十矣勉竭疲駑區區愚忠所見如此
臣願陛下早降回鑾之詔以繫天下之心臣當躬冒

矢石為諸將先若陛下聽從臣言容臣措畫則臣謂
我宋中興之業必可立致若陛下不以臣言為可用
則願賜骸骨放歸田里謳歌擊壤以盡殘年頻煩上
瀆天聽

建炎二年五月第二十四次奏請



阿彌觀音於彌陀里
中興之業必可立
其言容可貴
其言容可貴
其言容可貴

